

*Pontificum, & Conciliorum Decretis & Patrum dictis consonas esse schola vestra commendabili studio gloriatur. Cum igitur bonis & rectis corde satis constet, ipsique calumniatores, nisi dolum loqui velint, satis perspiciant, SS. Augustini & Thoma (a) inconcussa iustissimaque dogmata nullis prorsus antedicta Constitutionis censuris esse perstricta, ne quis in posterum eo nomine calumnias struere, & dissertationes ferere audeat, sub canonicis penis districte inhibemus. Pergite porro Doctoris vestri opera sole clariora, sine ullo prorsus errore (b) conscripta, quibus Ecclesiam Christi mirâ eruditione clarificavit (c) inoffenso pede decurrere, ac per certissimam illam (d) Christiana Doctrina regulam, Sacrosanctâ Religionis veritatem, incorruptaque disciplina veritatem tueri, ac vindicare.*

*Hac sunt, enim, dilecti filii, quæ Prædecessores nostri de sancti Thoma Doctrinâ senserunt, & prædicârunt; quæque nos, non modo ad curarum vestrarum lenimentum, sed ad animi quoque nostri solatium libentissimè usurpamus, & præconio Apostolicæ Vocis efferimus. Inclytus enim Ordo iste, cui nomen dedimus, & quem expressè Domino miserante, professi sumus, eodem Angelicâ Doctrina lacte nos aluit, ac licet impari institutionis fructu, ad gerendam Ecclesiarum sollicitudinem eduxit; ut privato etiam diuturnoque colendarum artium experimento ediscere potuerimus, quod ex Apostolatus speculâ per hæc litteras annuntiamus. Deum interea qui pacem & veritatem diligendam præcipit, supplices*

(a) Alexander VII. in Brevi incipiente, *Litteras*. 1660.

(b) Clemens VIII. in Brevi incipiente, *Dilecti Filii*. 1603.

(c) In collectâ Festi.

(d) Pius V. in Bullâ ut suprà.